



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za finansije i budžet

Broj: 01/4-011-19/01

Sarajevo, 15. januara 2002. godine.

Z A P I S N I K

sa 24. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 15. januara/siječnja 2002.godine

Sjednica je počela u 12 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ljubomir Kovačević, Ramiz Vilić, Salih

Kulenović, Dragi Stanimirović, Zdenko Vukić i Boro Bjelobrk,

Sjednici nisu prisustvovali Tihomir Gligorić i Mirko Baković.

Ispred Vijeća ministara Bosne i Hercegovine sjednici je prisustvovala

Sena Hatibović, pomoćnik ministra vanjske trgovine i ekonomskih odnosa.

Za sjednicu Komisije je predložen i usvojen sljedeći

D N E V N I R E D

1. Razmatranje Zakona o koncesijama Bosne i Hercegovine
2. Razmatranje Zakona o statistici Bosne i Hercegovine
3. Izvještaj o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH, Regulatorne agencije za telekomunikacije - dogovor oko metoda rada
4. Tekuća pitanja.

Ad-1

Razmatranje Zakona o koncesijama Bosne i Hercegovine

Predsjedavajući Komisije upozna je prisutne da je Zakon razmatran na 23. sjednici kao dopunjena tačka dnevnog reda i da su usvojeni amandmani poslanika Salih Kulačevića postali sastavni dio Zakona. Izvještaj o navedenom Zakonu nije ranije dostavljen Predstavničkom domu iz razloga što se očekivalo da je postojala mogućnost predlaganja novih amandmana.

Navedeni razlozi su bili osnova da se ovaj zakon još jedanput razmatra na sjednici i da se članovi Komisije upoznaju sa sadržajem Izvještaja koji će biti dostavljen Predstavničkom domu.

Komisija je jednoglasno prihvatila Izvještaj o Zakonu o koncesijama Bosne i Hercegovine.

Ad-2

Razmatranje Zakona o statistici Bosne i Hercegovine

Nacrt Zakona o statistici Bosne i Hercegovine Vijeće ministara BiH dostavilo je u parlamentarnu proceduru 31.8.2001. godine.

Ustavno-pravna komisija Predstavničkog doma razmatrala je Zakon i dostavila mišljenje 11.10.2001. da postoji valjan ustavno-pravni osnov za donošenje Zakona o statistici Bosne i Hercegovine.

Postupak u Komisiji počeo je općom raspravom o principima Zakona.

U raspravi su učestvovali: Salih Kulenović, Emina Začiragić i Sena Hatibović.

Nakon obavljene opće rasprave glasalo se o principima predloženog Zakona.

Komisija je konstatovala da na predloženi tekst Zakona nije bilo amandmana i mišljenja da je neophodno donijeti Zakon o statistici Bosne i Hercegovine, te će predložiti Predstavničkom domu da usvoji Zakon o statistici Bosne i Hercegovine.

Ad-3

Izvještaj o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH, Regulatorne agencije za telekomunikacije - dogovor oko metoda rada

Navedeni Izvještaj upućen je u parlamentarnu proceduru 5. decembra 2001. godine od strane Ureda za reviziju finansijskog poslovanja institucija BiH.

Predsjedavajući Komisije je predložila da o navedenom Izvještaju započne rad i dogovori o metodi rada i da se zaduži šest članova Komisije u cilju sačinjavanja Izvještaja o izvršenoj reviziji navedenih institucija.

U raspravi su učestvovali svi prisutni članovi Komisije.

Zaključeno je se Izvještaji sačine po ranije usvojenim planu i metodu Smjernica za pisanje izvještaja Komisije o Izvještaju Ureda za reviziju koji je dostavljen

Zadužuju se da sačine Izvještaje o obavljenoj reviziji za 2000. godinu:

1. Državne granične službe BiH, **Salih Kulenović**
2. ministarstva za trezor institucija BiH, **Emina Začiragić**
3. Ministarstva za ljudska prava i izbjeglice, **Zdenko Vukić**
4. Ministarstva za evropske integracije, **Dragi Stanimirović**
5. Ustavnog suda BiH, **Ljubomir Kovačević**
6. Regulatorne agencije za telekomunikacije, **Boro Bjelobrk.**


Dogovoreno je da je rok za podnošenje Izvještaja 15 dana.

Zaključeno je da se uputi dopis Komisiji Doma naroda za finansijske i administrativne poslove s prijedlogom održavanja zajedničke sjednice

Komisija koje bi razmotrile navedeni Izveštaj Ureda za reviziju finansijskog poslovanja institucija BiH i zauzele stav.

Sjednica je završila u 14:00 sati.

Zapisnik sačinila
Emira Češljarić



Predsjedavajući Komisije
Emina Zaciiragić

